

inæquali bilabiato, suprâ bipartito, infrâ trifido majore; antheræ 5, in tubum connatæ; stigma simplex; capsula 2-3-locularis.

2869. *Dortmanna*. Foliis linearibus bilocularibus integerrimis, * scapo simplici subnudo racemoso. ♀. In lacubus et ripis circa Leodium. *Itaug de Caraux*

2870. *Urens*. Caule erectiusculo, foliis inferioribus subrotundis * crenatis, superioribus lanceolatis serratis, floribus racemosis. ☉. In Galliæ occidentalis sylvis humidis. *Burdigala. Sevilla.*

2871. *Minuta*. Foliis ovatis radicalibus subcrenatis, scapis capillaribus unifloris. ☉. In Corsica.

2871*. *Laurentia*. Caule prostrato ramoso, foliis lanceolato-ovalibus crenatis, pedunculis solitariis unifloris. ☉. In Corsica et Ilva.

473. J A S I O N E.

Calix 5-fidus; corolla rotata, tubo brevissimo, laciniis 5 longis linearibus; stamina 5, antheris in tubum coalitis; stigma 2-fidum; capsula 2-locularis; flores aggregati in involucri polyphylo suprâ receptaculum nudum.

2872. *Montana*. Foliis lineari-lanceolatis basi angustioribus un- * dulato-crispis. ☉. In sterilibus siccis.

2873. *Perennis*. Foliis linearibus sublævibus planis obtusiusculis. ♀. In Gallia australi.

ORDO LVII. COMPOSITÆ.

Flores in involucri communi collecti, uniformes aut difformes, receptaculo plano aut convexo, nudo aut paleaceo, impositi; cuique flosculo, calix tenuissimus, ovario adhærens, non separabilis, apice nunc in dentes producto, sæpiùs expanso in pappum pilosum plumosum aut membranaceum, semen coronantem; corolla monopetalâ, summo ovario inserta, 5-dentata, nunc tubulosa, nunc longitudinaliter fissa; stamina 5, corollæ inserta, ejusdem lobis alterna; antheræ in tubum coalitæ; ovarium simplex; stylus 1; stigmata 1 aut sæpiùs 2; capsula (akena) monosperma, non dehiscens, sæpiùs pappo coronata, semen nudum mentiens; perispermum nullum; corculum rectum; radice infera; cotyledones planæ. — Herbæ aut rariùs frutices, foliis alternis aut rariùs oppositis, flosculis tam arctè aggregatis ut florem unicum simulent.

TRIBUS I. CICHORACEÆ.

Flosculi omnes ligulati et hermaphroditi; receptaculum vix carnosum; succus proprius in plurimis lacteus; folia alterna; flores lutei rariùs cœrulei, sæpè meteorici.

† *Pappo nullo.*

474. L A M P S A N A.

Involucrum caliculatum; receptaculum nudum; semina pappo destituta, caduca, involucri foliolis minimè cincta.